

Reykjavík, 15. marz 1967.

Stjórnarnefnd ríkisspítalanna,
Klapparstíg 29,
Reykjavík.

Efni: Umsókn um leigu lands úr Vífilsstaðalandi undir
golfvöllum.

Vísun til samtals við framkvæmdastjóra yðar, hr. Georg Lúðvíksson, hinn 25. febr. s.l. um greint efni.

Eins og fram kom í ofangreindu samtali, var hinn 18. febrúar s.l. stofnaður golfklúbbur, sem nær yfir svæðið Kópavogur, Hafnarfjörður, Garða- og Bessastaðahreppur. Á stofnfundi þennan dag voru 60 manns mættir, sem allir skráðu sig sem stofnfélaga. Síðan hafa u.p.b. jafnmargir menn haft samband við stjórnina og viljað skrá sig sem félagi í klúbbinn. Þegar stjórnarkosning hafði farið fram, var fundi frestað, en stjórninni falið að fá land undir starfsemi félagsins. Eins og yður mun væntanlega kunnugt, þarf golfvöllur að vera á nokkuð stóru og ræktuðu landi, en mjög lítið er um slík landssvæði í nágrenni framangreindra sveitarfélaga og auk þess mun á flestum þeirra fyrirhugaðar byggingar. Við höfum frétt á skotsþónum, að þér hugsið yður að leggja niður búskap á Vífilsstöðum og því er það von okkar, að hagsmunir yðar og félags okkar falli saman að einhverju eða öllu leyti.

Því snúum við okkur nú til yðar með formleg tilmæli um að fá á leigu land úr Vífilsstaðalandi undir starfssemi félags okkar. Meðfylgjandi bréfi þessu eru frumdrög að tillögu um það hvaða land væri hentugt í þessu sambandi.

Til skýringar á meðfylgjandi uppdrætti má geta þess, að hann er gerður af Júlíusi Sólmes, verkfr., sem mun vera einna kunnugastur golfvallargerð hérlendis. Uppdráttur þessi er meira gerður í þeim ýlgangi að sýna, hvernig golfvöllur gæti litið út á þessu svæði, heldur en hér sé um eina möguleikanna að ræða. Verkfræðingurinn teiknar þarna 9 holu völlum, en í því tilfelli, að þér vilduð láta

okkur í té meira land, mun sennilega vera hægt að koma þarna fyrir 18 holu velli, sem er full stærð. Að öðru leyti er rétt að taka það fram, að ef annað skipulag, en uppdrátturinn sýnir, væri hentugra fyrir yður, er ekkert því til fyrirstöðu að ræða hvern þann möguleika sem yður lýst. Eins er vert að geta þess að lokum, varðandi greindan uppdrátt, að nauðsynlegt verður, vegna tilbreytingaleysis í landslagi að planta miklum trjágróðri í þeim tilgangi að mynda fjölbreytni á vallarsvæðinu. Við væntum þess, ef til kemur, að þér hafið ekki á móti slíkri ræktun.

Við sjáum ekki ástæðu til þess, að svo stöddu, að ræða mál þetta frekar í bréfi þessu, en ítrekum framangreinda málaumleitun.

Væntum svars yðar við fyrst hentugleika.

Virðingarfyllst,
f.h. stjórnar golfklúbbsins Keilis

Jónas A. Aðalsteinsson,
Klaðparstíg 26, Reykjavík.